

Эрсин барт сэн гардвр өгхмн

Экц партийн организац эрсин бар гардлгъна тускар КПСС-н Уставд темдгдгдсмн. Эрсин газет, „боевой листок“ — партийн организацин кōдлмшт дāāч нōкднь болджана.

Партин болн правительствин мероприятиг, колхозин производствин өдгā цагин тōриг кўцāлгънд эн коммунист-нриг сургъдж бўрдāнā. Эрсин газетд эклц партийн организац таслвр угагъар гардвр өдгд болхла, эрсин газетин редколлегин кōдлмшт, „боевой листокин“ редактормудт дōн-нōкд болдг болхла, тер цагт эрсин газет эн зōвāн кўцāдж чадджана.

Болв, эн Уставин некривг эклц партийн организац цугъарн кўцāджāхмн уга. Улгўрнь, Элст балгъсна Вознесенск сельсоветин „Победа“ колхозин эрсин газетин кōдлмш улгўр болхмн. Колхозин эклц партийн организацин бюрод болн партийн хургт эрсин газетин кōдлмшин тускар джилин туршарт тōр тāvдж кўундвр кесмн уга.

Экц партийн организацин

сеглāтр болдж бāāсн ўр Казимиров эрсин газетин кōдлмшиг тōртāн авлго, эрсин газет болн „боевой листок“ гаргългънд нег чигн орлцсмн уга.

Эрсин газетин редактор бāāсн коммунист Вагин Н. Н. партийн даалгъвран самгъа кевār кўцāдж, редколлегин кōдлмшиг эн гардсмн уга. Эрсин газетнь хая-хая гарчасмн. Джилин эргцд эрсин газетнь сар болгън хойр дакдж гархин ормд, зуг нāāmхн номер гарч.

Зун гектар газр болгъна тоод селāнā эдл-ахун эдл-уушин гарлт өдлүллгънā, госу-дарствд орулдж өдгд зураг кўцāлгън, хōбнā тоог цааранднь олдуллгън болн тедниг гару угагъар бārх, кўч-кōлснā дисциплиг эвдсн āмтнлā ноолдлгъна туск тōрмүд эрсин газетд сулар барлгдлг бāāдж.

Сельск Советин, комсомольск организацин, сельпон, школин, бичкн кўўкдин яслин, клубин кōдлмшин туск тōрмүдār колхозин эрсин газет сонъмссмн чигн уга, им тōрār

барлсмн чигн уга. Колхозин эрсин газетнь селькоровск актив чигн бўрдāсмн уга.

Шидрхн сунгъгдсн эклц партийн организацин партбюрон сеглāтр ўр Кудинов В. партийн хургт эрсин газетин редколлегин кōдлмшин тооцаг тāvдж кўундв. Кōдлмш эс кесн тōлād эрсин газетин редколлегин членās ўр Вагиниг сулдхв. Эрсин газетин редакторт коммунист ўр Шрамко Ц. Н. батлгдв. Редколлегин чледүдт комсомолец ўр Калинин Н. Д., багш ўр Куликова Т. А. шинās сунгъгдцхав.

Колхозин эрсин газетин редколлег, Алдр Октябрьск социалистическ революцин 40-ч джилā өбнд нерādсн газетин материалнь цуглулдж белджāнā. Эн номер газетд Вознесенск селāнд колхозин эдл-аху бўрдснās авн кегдсн кōдлмш, колхозин болн колхозникудин бāādл-джиргъл үзүлгдхмн.

И. МАСЛОВ,

КПСС-н Элст балгъсна комите-
тин инструктор.